

Evening Dogri News Bulletin

06 October. 2025 .18:15 Hrs

Headlines

- नगरोटा ते बडगाम असेंबली सीटें लेई उप-चुनां 11 नवंबर गी होग ते वोटें दी गिनतरी 14 नवंबर गी कीती जाग। भारती चुनां 5 आयोग नै जम्मू-कश्मीर च राज्यसभा चुनाएं लेई अधिसूचना जारी करी दित्तियां न।
- केंद्री मंत्री डॉ. जितेंद्र सिंह होरें आखेआ ऐ जे भारत साइंसी शोध ते नमियें काह्डें दे खेत्तर च आलमी सतह पर इक अगुआ मुल्ख दे तौर पर उभरा करदा ऐ।
- मुख्मन्त्री उमर अब्दुल्ला होरें श्रीनगर च 69मीं राश्ट्री स्कूली खेड्डें गी शुरू करवाया। उनें आखेआ जे खेड्डां एकता ते दोस्ती दे पुल तैयार करने दा कम्म करदियां न।
- पहाड़ी जिले डोडा च अज्ज 3 अशारिया 6 दी तीव्रता आहले भूचाल दे झटके मसूस कीते गए।
- जम्मू खित्ते ते कश्मीर घाटी दियें उच्चियें धारें पर इस रूतै दी पैहली बर्फबारी होई ऐ। खराब मौसम दे मद्देनजर जम्मू खित्ते च स्कूलें गी बंद रक्खेआ गेदा ऐ।

<><><><><><>

Bi-Polls

भारती चुनां 5 आयोग नै बिहार च असेंबली दे चुनाएं दे कन्नो-कन्नो जम्मू-कश्मीर च नगरोटा ते बडगाम असेंबली सीटें लेई उप-चुनाएं दे कार्यक्रम दा बी अज्ज ऐलान करी दित्ता ऐ। इस सरबंध्यै च इक संवाददाता सम्मेलन गी संबोधित करदे होई भारत दे मुख्मन्त्री आरुण जेठानी जे जम्मू-कश्मीर दिऐं इनें द'ऊं असेंबली सीटें पर उप-चुनां 5 औंदी 11 नवंबर गी करवाया जाग ते वोटें दी गिनतरी दा कम्म 14 नवंबर गी होग। उपचुनां 5 लेई अधिसूचनां 13 अक्तूबर गी जारी कीती जाहग जिसलै के नामजदगियां दाखल करने दी खीरी तरीक 20 अक्तूबर होग। मेदवारें दे नामजदगी आहले कागदें-पत्तरें दी जांच 22 अक्तूबर गी होग ते मेदवार जेगर चाहन तां 24 अक्तूबर तगर अपनी मेदवारी परताई सकडन। ध्यानजोग ऐ जे मुख्मन्त्री ओमर अब्दुल्ला होरें

पिच्छले बरें होए दे असैम्बली चुनाएं च बडगाम ते गांदरबल, दौनें सीटें परा जित्त हासल कीती ही ते मगरा उनें बडगाम दी सीट छोड़ी देने दा फैसला लैता हा। एहदे अलावा नगरोंटा दी असैम्बली सीट, पिच्छले बरें 31 अक्तूबर गी बीजेपी नेता देवेन्द्र सिंह ठाकुर हुं'दा काल होई जाने पर खाली होई गई ही।

<><><><><><>

ECI-RS Polls

भारती चुनांऽ आयोग नै जम्मू-कश्मीर थमां राज्यसभा दियें च'ऊं सीटें लेई नामांकन प्रक्रिया शुरू करदे होई त्रै बक्ख-बक्ख अधिसूचना जारी कीतिआं न। पैहली अधिसूचना च आखेआ गेआ ऐ जे पैहली सीट 10 फरवरी 2021 गी मीर मोहम्मद फैयाज हुं'दे रटैर होने दे मगरा खाली होई ही, जेदे पर एह चुनांऽ करोआया जाना ऐ। दुई अधिसूचना राज्यसभा दी ओकड़ी सीट दे सरबंधै च ऐ जेड़ी 10 फरवरी 2021 गी शमशेर सिंह हुं'दे आसेआ खाली कीती गई ही। एहदे मगरा त्री अधिसूचना 15 फरवरी 2021 गी गुलाम नबी आजाद ते नजीर अहमद लावे हुं'दे रटैर होने मगरा खाली होई दी द'ऊं सीटें दे सरबंधै च जारी कीती गई ऐ। जेकर इनें सीटें लेई चुनांऽ दी लोढ़ होई तां मतदान 24 अक्तूबर 2025 गी बडुलै 9 बजे शा संज्ञा 4 बजे तोड़ी करवाया जाग।

<><><><><><>

Jitendra Scientific Research

केंद्री साइंस ते टेकनालजी मंत्री डॉ. जितेंद्र सिंह होरें आखेआ ऐ जे भारत गी दुनिया भरै च वैज्ञानिक अनुसंधान ते नमिएं काहडें दे क्षेत्र च इक अगुआ मुख मन्नेआ जा'रदा ऐ। मंत्री होरें एह गल्ल अज्ज नमीं दिल्ली च विज्ञान, प्रौद्योगिकी ते नवाचार सम्मेलन 2025 दा उद्घाटन करदे होई आक्खी। उनें गलाया जे मुखै च मौजूदा आर्थिक विकास, पिच्छले इक दाहके दरान कीती गेदी तकनीकी तरक्की दा गै नतीजा ऐ। वैज्ञानिक समुदाय दे योगदान दी सराहना करदे होई उनें आखेआ जे साइंसदानें, देसै दे मान ते प्रतिष्ठा गी बधाया ऐ। सिंह होरें आखेआ जे अस पूरे भरोसे कन्नै एह गल्ल आक्खी सकने आं जे भारत टेकनालजी दे मामले च हुन दुएं दे नक्शे कदम उप्पर नेई चलदा ऐ।



CM-School Games

मुख्यमंत्री ओमर अब्दुल्ला होरें अज्ज श्रीनगर दे टीआरसी फुटबाल मैदान च 69मीं राश्ट्री स्कूली खेड्डें गी अधिकारिक तौर पर शुरु करोआया। मुख्यमंत्री होरें रस्मी तौर पर फुटबाल गी किक मारियै राश्ट्री स्तर दे खेड्डे मुकाबले गी औपचारिक तौर पर शुरु करोआया। इस ब'रे राश्ट्री स्कूली खेड्डें च मुख्य दे बक्ख-बक्ख राज्यें ते केन्द्र शासित प्रदेशें थमां 30 टीमां हिस्सा लै करदि'आं न ते इस प्रतियोगिता दे मुकाबले 6 बक्ख-बक्ख थाहें पर खेड्डे जाडन ते इस दरान खड्डारिएं आसेआ फुटबाल, वुशु,ताईक्वांडो ते टेबल टेनिस दे मुकाबलें च अपना दम-खम दस्सडन। इस मौके उपपर अपने संबोधन च मुख्यमंत्री ओमर अब्दुल्ला होरें आखेआ जे खेड्डां देसै दे बक्ख-बक्ख खित्तें दे नौजोआनें दे अंदर एकता, दोस्ती ते समझ विकसित करने च बड़ी महत्वपूर्ण भूमिका निभांदियां न। उनें आखेआ.

तोआई, खेड्डे मंत्री सतीश शर्मा जेडे इस मौके पर उत्थे मौजूद हे, मीडिया कन्नै गल्ल करदे होई उनें आखेआ



GST-Reforms Bihar

जीएसटी प्रणाली च कीते गेदे अगली पीढ़ी दे सुधारें कन्नै बिहार च बक्ख-बक्ख खेत्तरें जि'यां राई-बाई, डेयरी ते हत्थखड्डी सने खाने-पीने आहिलियें चीजें गी डब्बा बंद करने दे खेत्तर गी बी बड़ा मता बढ़ावा मिलने दी मेद ऐ। इनें सुधारें कन्नै करसानें गी सब्बनें शा मता लाहू हासल होग। मखाने कन्नै तैयार होने आहले सैक्टस पर जीएसटी दी दर गी 5 फीसद करी दित्ता गेआ ऐ जेड़ी पैहले 12 फीसद ही। इससै चाल्ली जूस, जैम ते अचार पर जीएसटी दी दर गी 12 फीसद थमां घटाइयै 5 फीसद करी दित्ता गेआ ऐ। एहदे अलावा मुजफ्फरपुर दी जी.आई टैग आहली शाही लीची पर बी 6 शा 7 फीसद दी बचत दिक्खने गी लब्बग। दस्तकारी उत्पादें, जि'यां भागलपुरी रेशम, मधुबनी पेंटिंगें ते सोजनी कढ़ाई आहले उत्पाद बी मते किफायती बनने दी मेद ऐ। इ'यां गै ट्रैक्टरें, पम्पें ते

सिंचाई उपकरणों पर जीएसटी दी दर गी घटाइयै 5 फीसद करी दित्ता गेआ जेदे नै राई-बाई दे खेत्तर गी बड़ा बढ़ावा मिलोग।

<><><><><><>

Budget Prep

जम्मू-कश्मीर सरकारै 2026-27 आहले माली बरे लेई सलाना बजट तयार करने गितै इक प्रक्रिया शुरू करने लेई आखेया ऐ। आकाशवाणी दे जम्मू संवाददाता नै जानकारी दिती ऐ जे खजाना विभाग नै एहदी शुरुआत करदे होई सभ्भन्तें प्रशासनिक विभागें, मैहकमे ते अध्यक्षें ते डी.डी.ओएं गी आखेया ऐ जे इस बारे प्रक्रिया गी तुरत प्रभाव कन्नै शुरू करी देन। बजट दा मसौदा 20-25 अक्तूबर तोड़ी तयार होई जाना लोड़चदा ते एदा मुकदा प्रस्ताव 30 अक्तूबर तोड़ी जमा करोआई दिता जाना लोड़चदा। जारी दिशा-निर्देशें च आखेया गेदा ऐ जे अनुमान ते कयाफे छड़े पुर कीती गेदियें असामियें लेई तयार कीते जागंन नां कि खाल्ली पेदियें ते डेपुटेशन आहलियें पोस्टें लेई। एहदे च आखेया गेदा ऐ जे बजट दे सरबंध्यै च कम्म विधायकें, जिला विकास काउंसलें ते पंचैत मिम्बरें कन्नै सलाह-सूत्र करियै गै कीते जान तां जे संसाधनं दी असरदार ढंगै सिर लॉटमेट ते बरतून जकीनी बनी सकै।

<><><><><><>

Doda-Earthquake

पहाड़ी जिले डोडा च अज्ज भूंचाल दे झटके मसूस कीते गे जेदी तीव्रता रिक्टर पैमाने पर 3 अशारिया 6 मापी गेई। अज्ज दपैहरी 2 बज्जियै 47एं मिनटें पर आए दे इस भूंचाल दा केंद्र धरतै दे कोई 5 किलोमीटर अंदर दस्सेआ जा'रदा ऐ। उ'आं इस भूंचाल करी जानमाल दे नुकसान दी कोई खबर नेई ऐ। भूंचाल सरबंध्यी विज्ञान आहले राश्ट्री केंद्र (एन.सी.एस) ने सोशल मीडिया मंच 'एक्स' पर इस बारै जानकारी सांझी कीती।

<><><><><><>

JKTPO

जम्मू-कश्मीर च बपार गी बढ़ावा देने सरबंध्यी संगठन नै उद्योग ते बपार मैहकमे कन्नै रलियै समूलचे जम्मू संभाग च जागरूकता कार्यशालाएं दी इक श्रृंखला दा आयोजन करने जारदा ऐ जेदा मकसद ऐ, इत्थुआं साज-समेयान गी

बाहरले इलाके च सखल्ला भेजना। एहू मुहिम कल्लै थमां शुरू होआ'रदी ऐ। इनें कार्यशालाएं दा आयोजन कल साम्बा च ओहदे मगरा 8 तरीक गी जम्मू गी, 9 अक्तूबर गी कठुआ च ते 10 तरीक गी उधमपुर च कीता जाग। इस पैहलकदमी कन्नै मकामी बपारियें ते उद्यमियें गी सरकारी स्कीमें, माली मदद ते ई-कामर्स दे बक्ख-बक्ख मौके प्रदान करियै ते उंदा मार्गदर्शन करियै उंदी सहायता कीती जाग। एहदे अलावा इस कार्यक्रम च निर्यात बीमा, निर्यातकें आस्तै बीमा कवरेज ते अपने-अपने जिलें च आयात ते निर्यात सरबंधी कोड धारकें गी समर्थन बारै सत्र बी आयोजित कीते जाडन।

<><><><><><>

Rajouri Vay Vandana Card

समाज दे बुजुर्गे लेई सेहत दिक्खभाल च होर मती बेहतरी ते सहूलत बक्खी अगड़े बधदे होई, राजौरी दे जिला विकास कमीशनर अभिषेक शर्मा होरें कल टाऊन हाल च केन्द्र आसेया शुरू कीती गेदी “आयुष्मान वय वंदना” स्कीम तैहत कार्ड तयार करने दे कार्यक्रम दी शुरुआत कीती। इस स्कीम तैहत 70 बरे ते एहदे कोला उप्परली बरेसू दे सब्भनें बुजुर्गे, भाएं उन्दी औंदन किन्नी बी होऐ गी ईलाज दी सुविधा पूरी चाल्ली मुफ्त उपलब्ध कराई जन्दी ऐ। इस मौके बोलदे होई डी.सी. होरें सब्भनें योग्य लाभार्थियें दे नां इस स्कीमै तैहत दर्ज कराने दी जरूरत पर जोर दिता। उनें आखेया जे मैहकमा सेहत ते जिला अधिकारी एहदे लेई अनथक जतन करै करदे न तां जे सब्भनें बुजुर्गे गी इस स्कीम दा पूरा –पूरा लाह हासल होई सकै। बुजुर्गे इस स्कीमें गी असरदार ढंगै नै लागू करोआने दियें प्रशासन दियें कोशशें दी सराहना कीती ऐ। इस योजना दे इक लाभार्थी दा आखना ऐ

<><><><><><>

Snowfall

जम्मू खित्ते दे किश इलाकें ते कश्मीर घाटी दी उच्चियें धारें पर अज्ज इस रूतै दी पैहली-पैहली बर्फबारी होई। जम्मू च पीर की गली, पाडर, गुलडंडा, भद्रवाह सने किश होरने थाहरें पर बर्फबारी होई जिसलै के कश्मीर च गुलमर्ग, जोजिला पास, राजदान पास ते घाटी दे होरने थाहरें पर बर्फ दी चादर दिक्खने गी लब्बी। इक सैलानी नै गुलडंडा च बर्फबारी पर खुशी जाहिर करदे होई आखेआ।

तोआई, जम्मू-कश्मीर प्रशासन नै निर्देश जारी कीते न जे मौसम दे सूरतेहाल गी दिखदे होई जम्मू संभाग दे सब्बै स्कूल कल बी बंद रखे जाडन। करसानें गी बी सलाह दित्ती गेई ऐ जे ओहू कल्लै तगर राई-बाई सरबंधी गतिविधियें गी बंद गै रखन।

<><><><><><>

Para-Athletics

विश्व पैरा एथलेटिक्स चैंपियनशिप च भारत नै कुल 22 तगमे अपने नांऽ कीते न जिंदे चा 6 सुन्ने दे, 9 चांदी दे ते 7 कैऽ दे तगमे शामिल ना। प्रतियोगिता दे अखीरले ध्याड़े नमीं दिल्ली च 7 भारती खडारियें शानदार प्रदर्शन कीता। सब्बनें खडारियें गी मबारकबाद दिंदे होई प्रधानमंत्री नरेंद्र मोदी होरें आखेआ जे इस बारे दी विश्व पैरा एथलेटिक्स प्रतियोगिता बड़ी खास रेही ऐ। उनें आखेआ जे इंदी कामयाबी सब्बनें गी प्रेरणा देग। प्रधानमंत्री होरें एहू बी आखेआ जे इस प्रतियोगिता दी नमी दिल्ली च मेजबानी भारत आस्तै बड़ी मानै आहली गल्ल ऐ।

<><><><><><>